



NEW ZEALAND  
IMMIGRATION

# ‘Okú ke palani ha’o mālōlō ‘eve’eva ‘i he fa’ahita’u māfaná ‘i Nu’u Sila?

Faka’ehi’ehi meí he taimi femo’uekiná pea tohi kole leva  
ki ha **Visitor Visa (Visa Folaú ‘Eve’eva)** ‘i he taimí ni.

Ko ho’o tohi kole ko ia ki ha Visitor Visa ‘i he taimi ní ‘e ‘uhinga ia te mau faitu’utu’uni ki ho’o tohi kolé ‘i ha taimi vave ange, pea te ke lototo’a leva ai ke totongi ho’o tikite folaú, nofo’angá mo e toenga ‘o ho’o folaú.

Muimui ki he ngaahi tokoni faingofua ko ‘ení ke tokoni ke fakapapau’i ‘oku hoko lelei ‘a ho’o tohi kolé:

- › **Vakai’i pe ‘okú ke fiema’u ha visa.** Ko e kakai ko ia meí he ngaahi fonua ‘oku faka’atā meí he tohi kole visá (visa-waiver) ‘e lava ke nau kole ha’anau NZeTA (Electronic Travel Authority). ‘Okú ‘aonga ‘eni ‘i he ta’u ‘e ua, ko ia ai ‘oku mahu’inga foki ke fai leva ha tohi kole tōmu’a ki heni.
- › **Fakapapau’i ‘oku kei ‘aonga ‘a e taimi ‘i ho’o paasipootí.** ‘Okú totonu ke ‘oua ‘e toe si’i hifo ‘a hono ‘aongá ‘i he māhina ‘e ono meí he hili ‘a ho’o mavahe meí Nu’u Silá. ‘Okú kaunga atu mo ‘eni kiate kinautolu te mou kaungā folaú. Fakakau ‘i ho’o tohi kolé ha hiki tatau ‘oku ‘ata lelei ‘o e peesi ‘i ho’o paasipootí ‘oku ‘así ai ‘a ho taá mo ho hingoá.
- › **Fakakau ‘i ho’o ngaahi tohi kolé ha lau’itā ‘oku tali lelei.** ‘E lōloa ange ‘a e ngāue ki ho’o tohi kolé kapau ‘oku ‘ikai ke ke fakakau ha lau’itā ‘okú ne a’usia ‘a ‘emau ngaahi fiema’ú.
- › **Toe vakai’i ‘a ho ngaahi fakaikiiki ‘i he taimi te ke tohi kole aí,** kau ai ho hingoá, fika paasipootí mo e ‘aho fā’ele’í. Kapau ‘e fehālaaki ‘eni, ‘e ‘ikai ke fehoanaki ‘a ho’o visá mo ho’o paasipootí pea ‘e malava ai ke ‘ikai fakangofua koe ke ke heka ki he vakapuná.
- › **Fakakau ke lahi ha ngaahi fakaikiiki ke fakahaa’i ai ‘a ho’o ngaahi taumu’a mo’oni ke ke ‘a’ahi mai peá ke toe foki ki ho fonuá hili ange iá,** ‘o hangē ko ha fakamo’oni ‘o hao ngaahi pīkinga mālohi ki ho fonuá, ho’o ngaahi ‘uhinga ki ho’o ‘a’ahi mai ki Nu’u Silá pea ‘okú ke ma’u ha pa’anga fe’unga ki ho’o folaú pea mo ho’o folau ke foki ki ho fonuá.
- › **Fakahoko tōmu’a ‘a ho’o tohi kolé.** Faka’ehi’ehi meí he taimi femo’uekina ki he tohi kole visá ‘i he konga ki mui ‘o e 2023 ‘aki ha’o tohi kole leva ‘i he taimí ni.

‘Ilo lahi ange ki heni pea tohi kole ‘i he [immigration.govt.nz/visit](https://immigration.govt.nz/visit)



MINISTRY OF BUSINESS,  
INNOVATION & EMPLOYMENT  
HĪKINA WHAKATUTUKI

Te Kāwanatanga o Aotearoa  
New Zealand Government